



## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Provisione Et Obtentione Beneficiorvm

**Leuren, Peter**

**Coloniæ Agrippinæ, 1704**

259. Quid dicendum in hoc puncto de eo, qui ex dispensatione Papæ, vel etiam absque ea, ante legitimam ætatem fuit ordinatus subdiaconus.

---

[urn:nbn:de:hbz:466:1-74485](https://nbn-resolving.org/urn:nbn:de:hbz:466:1-74485)

cum etiam laici conversi consuetudine præscribere possint, ut vocem habeant in Electionibus canonicis. *gl. in c. ex eo. manifestè dicens, per illud caput non fuisse abrogatam talem consuetudinem legitimam.* Pass. *loc. cit. n. 58.* vide Barb. *ad cit. c. 4. sess. 22.* Sed neque de cætero illis obstat textus *cit. c. ex eo. h. in 6. Conversi laici cum clericis electionibus interesse non debent in Ecclesiis regularibus vel monasteriis.* Monachi siquidem & religiosi professi, etsi nequidem Clerici, adeoque adhuc laici, dummodo deputati sint ad clerum, nunquam veniunt nomine laicorum conversorum, adeoque ad hos se non extendit dicta constitutio. *gl. in c. ex eo. v. cum clericis. Felin. in c. non dubium. de sent. excom. Suar. tom. 4. de relig. l. 2. c. 4. n. 3.* Sed potius virtualiter eos admittit, excipiendo solos laicos conversos juxta illud; exceptio firmat regulam in contrarium. *Suar. ibid.* Qui nihilominus ostendit, probabiliter sustineri posse contrarium, nimirum nomine laicorum conversorum in *cit. c. ex eo.* comprehendendi quoque religiosos alios quoscunque non ordinatos. Quin &, quidquid sit de hoc & jure antiquo, censet, nunc saltem & de jure novo, hoc tenendum propter *cit. Clement. ut ii. &c.* quippe ubi Pontifex statuit, ut nullus de cætero in Ecclesiis etiam regularibus vocem in Capitulo habeat, nisi saltem subdiaconus, falsique ostendit, se loqui etiam de propriè Monachis, usque religiosi, qui ad divina officia sunt destinati, addendo hanc rationem suæ constitutionis: ut ii, qui divinis officiis sunt mancipati, aut mancipabuntur, imposterum ad suscipiendos Ordines propensius inducantur: Quibus adde, quod in dicta *Clement.* addatur: non obstantibus quibuslibet consuetudinibus vel statutis,

*Quæstio 258. Quid, si ergo initio quidem vacationis Ecclesia canonicus non sit in sacris, possit tamen esse in iis intra tempus constitutum electionis?*

**R**espondeo id sufficere; quod enim dicitur in Electionibus spectari initium, de initio electionis, non vacationis intelligendum. *gl. in cit. Clem. 2. v. constitutus.* Pass. *n. 59.* citans quamplurimos. Non tenentur tamen cæteri capitulares (modò tamen non præveniant tempus à jure electioni constitutum) expectare usque dum talis ordinetur, uti nec imuberem, etsi ejus pubertas proxime finienda sit, nec novitium proximè professurum, &c. Sed absq; horum injuria uti possunt jure eligendi, quando ipsis opportunum videbitur. *gl. loc. cit. Pirh. n. 13. & ab eo citatus Azor. p. 2. l. 6. c. 14. Barbofi. juris Eccles. l. 1. c. 19. n. 52. Pass. cit. c. 10. n. 59.* citans insuper *Castell. de elect. c. 8. n. 21. Camill. in director. p. 1. c. 5. n. 1. &c.*

*Quæstio 259. Quid hac in parte dicendum de eo, qui ex dispensatione Pontificis, vel etiam absque illa ante legitimam ætatem fuit ordinatus subdiaconus?*

**1.** **R**espondeo ad primum: habere illum jus ferendi suffragii. Neque enim *cit. Clem. & Trident.* directe requirunt in eligente ætatem sufficientem pro subdiaconatu, sed ipsum subdiaconatum. *Barb. ad cit. Clem. n. 6. & de canonicis. c. 37. num. 3. Felin. in c. postulasti. de rescript. n. 11. Suar. loc. cit. n. 7. Tamb. de jure Abb. to. 1. d. 5. q. 8. n. 10. Sanch. de matr. l. 2. d. 1. n. 23.* quos citat. & sequitur *Pass. cit. c. 10. n. 60.*

**2.** Respondeo ad secundum: neque talem præcise ratione ætatis, vel etiam ex vi *cit. Clem. & Con-*

*P. Leuren. Fori Benef. Tom. 2.*

*cil. Trid. esse inhabilem ad ferendum suffragium, habet enim requisita ab iis, nempe subdiaconatum.* *Abb. in cit. Clem. n. 8. Suar. loc. cit. Pass. n. 61.* Sed tantum jure novo; quia *Extravag. nimirum Pii 2. cum ex sacrotum, &c.* jure seu ipso facto suspensus est talis culpa sua (secus si absque sua culpa id factum) subreptitiè ordinatus ante legitimam ætatem. *Barb. ad loc. cit. Trident. Rodriq. tom. 2. q. 23. n. 12. Suar. Tamb. l. cit. apud Pass. cit. n. 61.*

*Quæstio 260. An dispensatus à Papa super ætate necessaria ad canonicatum, eo ipso sit dispensatus, ut, etiam si non sit in sacris, possit habere vocem in electione?*

**R**espondeo negativè. *Pass. loc. cit. n. 63. Barb. de canonic. loc. cit. n. 13.* dispensatus enim ad canonicatum non est eo ipso dispensatus ad Ordinem sacrum. *Rora in Senensi Archiep. 23. Junii ann. 1606. cit. à Pass.*

*Quæstio 261. Vtrum ex legitima causa absentis, quamdiu abest à loco, in quo collegium congregatur pro electione, competat jus suffragii?*

**R**espondeo affirmativè cum communi, spectato nimirum jure communi (secus namque esse potest per leges proprias collegii vel Ordinis alicujus. *Pass. loc. cit. n. 33.*) conceditur enim illi ferre suffragium per procuratorem. *c. quia propter, &c. h. r. c. se quis iusto. h. r. in 6. Abb. Innoc. &c. ibid. Barb. de jure Ecclesiast. l. 1. c. 19. n. 100. Laym. l. 4. tit. 2. c. 12. n. 4. Azor. instr. mor. p. 2. l. 6. c. 14. q. 7. Tamb. de jure Abb. To. 1. d. 1. q. 3. Pass. loc. cit. n. 35.* citans insuper plures alios. Nisi tamen valde distet à loco electionis, & maneat (secus enim est, si tempore electionis denud reversus sit ad locum viciniorem, etsi tempore citationis necdum in eo fuerit. *Pass. loc. cit. n. 39.* contra *Barb. loc. cit. n. 108.*) ubi non potest commode vocari; tunc enim jure communi nullum habet jus constituendi Procuratorem, sed nec citari debet, aut moneri de habenda electione. *cit. c. quia propter & ib. gl. & Barb. n. 37.* referens plures alios.

*Quæstio 262. Quinam in presenti materia habeantur adhuc pro presentibus?*

**R**espondeo: Qui ægri decumbunt (idem est de ælio iusto impedimento detentis. *Butrio in c. quia propter. n. 67. Castell. c. 12. n. 20. Tabien. &c. apud Pass.*) in conventu vel domo, ubi congregatur capitulum, etsi præsentibus non sint in loco loci, seu in aula particulari, in qua fit electio; Proinde ad eos accedere debent scrutatores, & eorum votum recipere. *Barb. cit. n. 108. Thol. de elect. c. 16. n. 7. Azor. n. 2. l. 6. c. 14. q. 7. Lavor. l. 4. de elect. c. 17. n. 44. Pass. n. 32.* & plures alii apud illum. Idem dicendum de iis, qui extra illam domum in eadem civitate vel oppido, suburbii, in hortis adjacentibus simili impedimento detinentur, censent *Sigismund. à Bononia, Sylv. Hostiensis cit. à Pass. n. 32.* quod tamen ipse tunc tantum censet tenere, quando parva est distantia inter locum electionis, & locum, quo tales detinentur; ed quòd ipsi videatur durum, saltem de regularibus, ut scrutatores collegio congregato, & cæteris expectantibus, teneantur per civitatem inquirere votum infirmi.